

LARRAULGO UDALA

(GIPUZKOA)

**2023ko OTSAILAREN 23an, LARRAULGO UDAL PLENO ARETOAN
EGINDAKO OHIKO UDALBATZAREN AKTA**

2023ko otsailaren 23an, arratsaldeko 15.30 orduetan, Maite Arana Perez Alkatearen Lehendakartzapean, behean aipatzen diren zinegotziak biltzen dira bilkura honetan.

ZINEGOTZIAK: Vicente Garcia Momblona
Jose Antonio Rodriguez Rodriguez
Mireia Ruiz Delgado
Jesus Maria Tejada Cantero
Aitor Beistegui Fiallegas


Bere ezin etorria adierazten dute: Maialen Alonso Labandibar.

Bertan dago, egintzaz fede emateko Ane Gomez Urteaga Idazkari-kontuhartzailea.

...//...

Alkate-lehendakari andreak bilerari hasiera ematen dio, ondorengo gaiak tratatzen direlarik:

- 1. Ondoren adierazten diren Udalbatzarretako aktak onestu, hala badagokio/ Aprobación, si procede de las siguientes actas Plenarias:**
 - **2023ko urtarrilaren 26an egindako ohiko bilkura/ Sesión ordinaria de fecha 26 de enero de 2023.**
- 2. Alkatetza ebazpenen berri ematea/ Dación de cuenta de los decretos de Alcaldía.**
- 3. Fakturak eta ordainketak/ Pagos y facturas.**
- 4. Herri langilearen ezintasuna egoera dela eta bere ordezkapena egiteko LANBIDERI eskaintza-eskabidearen onespena/ Aprobación de la solicitud de oferta a LANBIDEI para su sustitución por la situación de incapacidad del operario municipal.**
- 5. Erroitz baltzu mugatuari 2022 urteari dagokion diru-laguntzaren kitapena onestea / Aprobación de la liquidación presentada por “Erroitz baltzu mugatua” de la ayuda económica concedida en el ejercicio 2022.**
- 6. Tolosaldeko Komunikazio Taldeak, “Ataria”, 2022 urteari dagokion diru-laguntzaren kitapena onestea, hala bada./ Aprobación de la liquidación de la ayuda económica concedida a Tolosaldeko Komunikazio Taldea, correspondiente a al ejercicio 2022 por la publicación de Ataria .**



LARRAULGO UDALA

(GIPUZKOA)

7. Larraulgo udala eta Aiztondo Klasikoa batzordearen arteko lankidetzeta-hitzarmenaren onespena/ Aprobación del convenio de colaboración entre el Ayuntamiento de Larraul y la Comisión Aiztondo Klasikoa.
8. XIX. Aiztondo Klasikoa “Patxi Alkorta memoriala”-ri 2023 urteari dagokion diru-laguntza burutzea, hala bada./Ayuda económica correspondiente al ejercicio 2023a XIX. Aiztondo klasikoa” Patxi Alkorta memoriala”.
9. Tolosaldeko landa garapenerako elkarteari, TOLOMENDI-ri, 2023 urteari dagokion ekarpena burutzea/Aprobación de la aportación correspondiente al año 2023 a la Asociación de Desarrollo Rural de Tolosaldea, TOLOMENDI.
10. Aiztondo Neskide kirol taldeari 2022 urtean emandako diru-laguntzaren kitapenaren onespena/ Aprobación de la liquidación de la subvención concedida al club deportivo Aiztondo Neskide en 2022.
11. Larraulgo Herri eskolak eginiko diru-laguntza eskaeraren azterketa/Estudio de la solicitud de subvención realizada por Larraul Herri Eskola.
12. Beste batzuk/Otros.
13. Erregu, galderak eta mozioak/Mociones, ruegos y preguntas.
 - 13.1. Martxoaren 8a, emakumearen nazioarteko eguna dela eta Erakunde adierazpenaren onespena./Aprobación de la Declaración institucional 8 de marzo, día internacional de la mujer

.../...


LEHENENGO PUNTUA

ONDOREN ADIERAZTEN DEN UDALBATZARRETAKO AKTA ONESTU, HALA BADAGOKIO

- ▣ 2022 urteko urtarrilaren 26an egindako Udalbatzaren ohiko bilkurako akta. Irakurri ondoren Jesus Maria Tejada zinegotziaren abstentzioarekin, bilera horretan egon ez zelako, udalbatzak gehiengoz onesten du.

BIGARRENGO PUNTUA

ALKATETZA EBAZPENEN BERRI EMATEA



LARRAULGO UDALA


(GIPUZKOA)

Ondoren, Udaleko Idazkari-Kontuhartzaileak adierazten du 5/2023tik 8/2023ra Lehendakari Ebazpenak eman direla. Bertaratuak jakinaren gainean geratu direlarik.

HIRUGARRENGO PUNTUA **FAKTURAK ETA ORDAINKETAK**

Alkate-Lehendakari andreak ondorengo faktura zerrenda aurkeztu du:

TELEFONICA EMPRESAS	47,73
NAGORE ZABALA	297,50
VAILLANT GROUP	139,33
MAQUELSA	23,73
BERTSOZALEAK KULTUR ELKARTEA	31,00
REPSOL	201,67
GILBE	32,55
REPSOL	169,54
REPSOL	26,95
REPSOL	325,56
REPSOL	104,24
AMONARRIZ ITURGINTZA	232,59
INFOBIBLIOTECAS	389,48
GIPUZKOAKO BERTSOZALE ELKARTEA	188,63
AGEDI-AIE	9,06
EBA ERKIZIA	751,28
ZU ETA BIOD	1.453,92
SGAE	548,00
SGAE	296,99
SGAE	231,72
SGAE	193,60
SGAE	38,12
AGEDI-AIE	80,15
SGAE	88,71
KIROLZER	47,30
MAQUELSA	171,36
TELEFONICA	102,25
TELEFONICA	214,65
EUDEL	300,51
GUREAK MARKETING	0,59
ZOA TAMARA CUELLAR	477,00



LARRAULGO UDALA

(GIPUZKOA)

INFOBIBLIOTECAS	198,50
SECURITAS DIRECT	52,39
SECURITAS DIRECT	53,02
OSK	133,10
AMONARRIZ ITURGINTZA	318,21
TOLOSAKO JABETZA ERREGISTROA	654,50
EBA ERKIZIA	1494,40

Udalbatza honek, **aho batez** hurrengoa,

ERABAKITZEN DU

BAKARRA.- Aipaturiko fakturak, denera **7.970,93** Eurotako kopurua osatzen dutenak onartzea.

LAUGARREN PUNTUA

HERRI LANGILEAREN EZINTASUNA EGOERA DELA ETA BERE ORDEZKAPENA EGITEKO LANBIDERI ESKAINTZA-ESKABIDEAREN ONESPENA

Ikusita Larraulgo herri langilea, lana egiteko ezintasun egoera batean dagoela eta luzerako joango dela.

Ikusita, Larraulgo udalak, Larraulgo herri langilea ordezkatzeko LANBIDERI eskaintza eskabidea egiteko asmoa duela.

Gaia azterturik, Udalbatza honek, aho batez, ondorengoa


ERABAKITZEN DU:

LEHENA: Larraulgo udalak, Larraulgo herri langilea ordezkatzeko, ezintasun egoera dagoen bitartean, LANBIDERI eskaintza eskabidea egiteko onespena ematea.

BOSTGARREN PUNTUA

ERROITZ BALTZU MUGATUARI 2022 URTEARI DAGOKION DIRU-LAGUNTZAREN KITAPENA ONESTEA

Ikusirik, Erroitz baltzu mugatuari 2022. urtean 750,00 eurotako diru-laguntza eman zitzaiola, Aiurri, Beterri-hamaboskaria argitaratzen laguntzeko.



LARRAULGO UDALA

(GIPUZKOA)

Ikusirik, Erroitz baltzu mugatuak, Aiurri, beterrri-hamaboskariko 2022 urtean izan dituzten gastuen zuritzea aurkeztu duela.

Gaia azterturik, Udalbatza honek, aho batez, ondorengoa

ERABAKITZEN DU:

LEHENA: Erroitz baltzu mugatuak aurkezturiko, Aiurri, beterrri hamaboskariko gastuen kitapenaren onespena.

SEIGARREN PUNTUA

TOLOSALDEKO KOMUNIKAZIO TALDEAK, ATARIA, 2022 URTEARI DAGOKION DIRU-LAGUNTZAREN KITAPENA ONESTEA, HALA BADA

Ikusirik Tolosaldeko Komunikazio Taldea E.M.-k, hau da, Tolosaldeko Atariak aurkezturiko 2022 urteko ekitaldiko memoria, gastu eta sarreren xehetasunak eta gastu-agiriak, Talde honek eta Larraulgo Udalaren artean sinatutako Lankidetzaz Hitzarmenean adierazten den bezala.

Gaia azterturik, Udalbatza honek, aho batez, ondorengoa

ERABAKITZEN DU:

LEHENA: Tolosaldeko Komunikazio Taldea S.M.-k aurkezturiko 2022 ekitaldiko memoria, gastu eta sarreren xehetasunak eta gastu-agiriak onestea.

ZAZPIGARREN PUNTUA


LARRAULGO UDALA ETA AIZTONDO KLASIKOA BATZORDEAREN ARTEKO LANKIDETZA-HITZARMENAREN ONESPENA

Gaia mahai gainean uzteko erabakia hartzen dute aho batez batzarkideak.

ZORTZIGARREN PUNTUA

XIX. AIZTONDO KLASIKOA "PATXI ALKORTA MEMORIALA"-ri 2023 URTEARI DAGOKION DIRU-LAGUNTZA BURUTZEA, HALA BADA

Gaia mahai gainean uzteko erabakia hartzen dute aho batez batzarkideak.



LARRAULGO UDALA

(GIPUZKOA)

BEDERATZIGARREN PUNTUA
TOLOSALDEKO LANDA GARAPENERAKO ELKARTEARI,
TOLOMENDI-ri 2023 URTEARI DAGOKION EKARPENA BURUTZEA

Ikusirik Tolosaldeko Landa Garapen elkarteak, TOLOMENDI-k, 2023ko otsailaren 14an Tolosan ospatutako urteko Batzar Orokorrean, 2023 urterako Elkartearen aurrekontua onartu zuela.

Ikusirik goian aipaturiko banaketa horren ondorioz, Larraulgo Udalari 2.075,95 euro ordaintzea dagokiola, elkartearen funtzionamendurako.

Ikusirik kreditu nahikoa aurreikusia dagoela.

Gaia aztertu ondoren, bertaratuek, aho batez, ondorengoa

ERABAKITZEN DUTE:

LEHENGOA.- Tolomendi Landa Garapen Elkarteari 2.075,95 eurotako ekarpena burutzea 2023 ekitaldiko funtzionamendu gastuei aurre egiteko, udal aurrekontuetako 422.410.00.01 partidaren kargura.

BIGARRENA.- 2.075,95 eurotako gastua onestea.

HAMARGARREN PUNTUA
AIZTONDO NESKIDE KIROL TALDEARI 2022 URTEAN EMANDAKO
DIRU-LAGUNTZAREN KITAPENAREN ONESPENA


Ikusirik "Aiztondo Neskide kirol klubak", aurkeztu duela 2022 urtean jasotako diru-laguntzen kitapena.

Gaia azterturik, Udalbatza honek, aho batez ondorengoa

ERABAKITZEN DU:

LEHENA: "Aiztondo Neskide kirol klubak", 2022 urteko Larraulgo udaletik jasotako diru-laguntza zuritzeko, aurkezturiko kitapena, Larraulgo udalak onesten du.

HAMAİKAGARREN PUNTUA
LARRAULGO HERRI ESKOLAK EGINIKO DIRU-LAGUNTZA
ESKAERAREN AZTERKETA



LARRAULGO UDALA

(GIPUZKOA)

Ikusirik Larraulgo herri eskolak eginiko diru-laguntza eskaera, non azaltzen duen Larraulgo eskolak, Gipuzkoako Aldundiak bultzatzen duen “Igeriketa kanpainan” parte-hartzeari utzi ziola, ekonomiko eta baliabide pertsonal aldetik ez baitzen bideragarria.

Aurtengo ikasturtean eskola izaera ofiziala lortuta, “igeriketa kanpaina” berreskuratzea lehenetsi dute, horregatik Larraulgo udalari, jarduera hau egin ahal izateko laguntza ekonomikoa eskatu diote.

Gaia aztertutik, Udalbatza honek, aho batez ondorengoa

ERABAKITZEN DU:

LEHENA: Larraulgo Herri eskolari 750,00 eurotako diru-laguntza ematea, “Igeriketa kanpaina” burutu ahal izateko.

BIGARRENA: 750,00 eurotako gastua onartzea, eta bere ordainketa egitea agintzea 2023 urteko udal aurrekontuetako 430.323.00.01 partidaren kontura.

HIRUGARRENA: Larraulgo Herri eskolari jakitera ematea, egin duen gastuen memoria bat eta dagozkien fakturak aurkeztu beharko dituela, Udalak emandako diru-laguntza zurutuaz.

LAUGARRENA.- Akordio honen berri interesdunari ematea.

HAMABIGARREN PUNTUA

BESTE BATZUK


12.1.LARRAULGO UDALEKO LANGILE PUBLIKO IZATEKO HAUTAPEN PROZESUETAN BITARTEKO ELEKTRONIKOEN BIDEZ HARREMANAK IZATEKO ORDENANTZAREN ONESPENA

Ikusita, Larraulgo udaleko langile publiko izateko hautapen prozesuetan bitarteko elektronikoen bidez harremanak izateko ordenantza prestatu duela Larraulgo udalak.

Gaia aztertutik, Udalbatza honek, aho batez, ondorengoa

ERABAKITZEN DU:

LEHENA: Larraulgo udaleko langile publiko izateko hautapen prozesuetan bitarteko elektronikoen bidez harremanak izateko betebeharra arautzen duen ordenantzari hasierako onespena ematea.



LARRAULGO UDALA

(GIPUZKOA)

BIGARRENA: Espedientea jendaurrean jarriko da 30 laneguneko epean, hain zuzen ere iragarki hau Gipuzkoako ALDIZKARI OFIZIALEAN argitaratzen den hurrengo egunetik hasita. Epe horretan interesdun guztiek udal idazkaritzan espedientea aztertu ahal izango dute eta dagozkion, iradokizun edo erreklamazio jarri.

HIRUGARRENA: Aipaturiko epean, iradokizun edo erreklamaziorik ez badaude, Larraulgo udaleko langile publiko izateko hautapen prozesuetan bitarteko elektronikoen bidez harremanak izateko betebeharra arautzen duen ordenantza behin betikoz onartutzat joko da.

HAMAHIRUGARREN PUNTUA **ERREGU, GALDERAK ETA MOZOAK**

13.1.MARTXOAREN 8a, EMAKUMEAREN NAZIOARTEKO EGUNA DELA ETA ERAKUNDE ADIERAZPENAREN ONESPENA


Ikusita, EUDEL-ek aurkezturiko erakunde adierazpena, martxoaren 8a, emakumearen nazioarteko eguna, non ondorengo dioen:

” 2023ko martxoaren 8rako EUDELeko Ereduzko Adierazpena

25 urte baino gehiago igaro dira, Beijineko Adierazpenean eta Ekintza Plataforman, erabakiak hartzerako orduan, gizonen eta emakumeen artean parte-hartze politikoa eta boterearen banaketa orekatua lortzeko nazioarteko akordioa hartu zenetik. Nahiz eta aurrerakuntzak izan diren, munduko herrialde gehienek ez dute genero berdintasunik lortu, eta gutxi batzuk bakarrik ezarri edo bete dituzte sexuen arteko berdintasunean asmo handiko helburuak.

Egungo krisi anitzen testuinguru honetan, gizarte, ekonomia, ingurumen eta gobernantza ereduak birplanteatu nahi dira, berdintasun-arrakalak gutxitzeko asmoarekin, arrakala horiek gizartearen zati handi batentzat handitu direlako eta, batez ere, emakumeentzat. Orain da liderrak izateko garaia, erakundeak eta gizartea eraldatzeko harreman-eredu askoz ere inklusiboagoak, kooperatiboagoak eta sortzaileagoak lortzeko. Sektore anitzeko lankidetzako gobernantza feministaren eredu baterantz aurrera egin behar da, elkar entzutean oinarrituz, baita botere eta erantzukizunen banaketa eta partaidetza-prozesuak abian jartzean ere.

Mugimendu eta talde feministak eta emakumeenak, aniztasunean eta belaunaldien artean, berdintasunaren inguruko hainbat gai salatzeko eta eskatzeko mobilizatzen ari dira. Adibidez, arrazakeriaren kontrako justiziatik hasi eta soldata-berdintasuneraino, indarkeriaren amaiera eta emakumeen aurkako diskriminazioa, sexu-jazarpenaren ezabatzea, klimaren aldeko justizia, bakea mantentzea, eta hainbat gehiago.



LARRAULGO UDALA

(GIPUZKOA)

Emakumeek politikan eta erabakiak hartzerakoan berdintasunean parte hartzea eta lidergoa izatea funtsezkoak dira, 2030an, Garapen Jasangarriaren Helburuak lortzeko. Hala ere, tokiko eremutik orokorrera, emakumeen parte-hartzea mugatua izaten jarraitzen du, alderdi formaletako erabakiak hartzerakoan, besteak beste, politika gaietan, administrazio publikoan, enpresa pribatuetan, unibertsitatean, sindikatuetan, elkarte eta kooperatibetan, eta beste hainbat sektoretan.


Martxoaren 8 honetan, emakumeen nazioarteko egunean, lehentasunezkoa da emakumeen lidergoak sustatzea, gobernantza feministaren eta lidergo partekatua eredu batetik abiatuta. Era berean, berdintasun arloan erabakiak hartzean, emakumeen parte-hartzea areagotzeko baldintzak sortzearen alde lan egin behar da. Emakumeen parte-hartzea ikuspegi askoz ere zabalago batetik ulertu behar da, ez bakarrik ikuspegi formal edo arauemaitetik. Emakumeek erabakiguneetan parte hartzeko dituzten baldintzak aldatu behar ditugu.

Emakumeen parte-hartzearen alde lan egiteko, beharrezko da...

- botere-espazioak partekatzea eta uzteak eragozten dituzten **erresistentziei eta inertziei** aurre egitea. Horretarako, kristalezko sabaiak hautsi behar dira, espazio guztietan, aniztasun osoan eta ikuspegi intersektionalarekin emakumeen presentzia bermatuko duten neurriak ezarri.
- **zaintza-lanen banaketa erantzunkidean** aurrera guztiz egitea, justizia-printzipioa delako eta emakumeen gaitasun osoa egikaritzea mugatzen duelako.
- **zaintza** eta bestelako lan feminizatuen **sektore profesionala** prekarizatuak balioestea, eta sektore horri gizarte-balioa aitortzea, bere baldintzak hobetuz.
- emakumeek lidergoetan duten konfiantza, sinesgarritasuna eta eragina mugatzen duten **estereotipo eta aurreiritziei** aurre egitea.
- **emakumeen aurkako indarkeria**-mota guztiak desagerraraztea, baita emakumeen aurkako indarkeria politikoa ere.
- **lidergoan jarduteko praktikak eta moduak** deseraikitzea, besteak beste, menderatzean oinarritutako eredu androzentrikoak, zaintzaren denborak eta erantzukizuna kontuan hartu gabe, emakumeen eta boteretik baztertutako beste kolektibo batzuen talentua eta jakintzak mesprezatuz, eta talde-lana ez baloratuz.
- **emakumeen eta nesken eskubideak** ikuspegi intersektionala, berritua, erradikala eta eraldatzailea duen agenda feministaren erdigunean jartzea, emakume horiek boterean duten bazterketa sistematikoari aurre egiteko eta desberdintasun-arrakalak murrizteko.

Horregatik, euskal udalerrio, gure eskumenen markoan, **konpromisoa hauek hartzen ditugu**: emakumeen lidergoa bultzatzea eta boterea berdintasunean egikaritzeko baldintzak erraztea. Estamentu publiko eta probatu guztietan emakumeen ahalduntzea eta parte-hartzea sustatzen duten politikak indartzea da helburua, martxoaren 3ko 1/2022 Legean, Emakume eta Gizonen berdintasunerako legearen bigarren aldaketari buruzkoan, ezarritakoaren arabera:

1. Emakumeen Etxeak sortzeko prozesu parte-hartzaileekin hastea, udalerrri bakoitzaren beharretara egokituta.



LARRAULGO UDALA

(GIPUZKOA)

2. Ahalduentze programak eta eskolak baliabide eta leku egokiez hornitzea
3. Mugimendu feministaren eta emakume-elkarteen parte-hartzea indartzea, emakumeen/berdintasunaren tokiko kontseiluetan, erabaki partekatuak hartzeko konpromiso sendo batetik abiatuta.
4. Berdintasun-planen interseksionalitatea indartzea gure gizartea osatzen duten eremu guztietan, emakumeek beraien aniztasunean duten parte-hartze osoa eta eraginkorra finkatzera iristeko.
5. Adinaren eta generoaren arabera bereizitako datuak sortzea, 1/2022 Legearen aginduak dakarrena kontuan hartuz, neskatilen, neska nerabeen eta emakumeen bizitzetan eragin zuzena izango duten politikak egiteko informazioa emateko
6. Politikan sartzen diren emakumeentzako ikaskuntza- eta ahalduentze-guneak antolatzea, emakume hautetsien arteko laguntza-, elkartasun- eta aliantza-sareen bidez, adibidez, Basqueskola Sarea, edo beste sare batzuk

EUDEleri eskatzea, indarkeria politikoari aurre egiteko protokoloak proposa ditzala, emakumeen parte hartzeari eta erabakitze gaitasunari buruzko ikerketa.”

Gaia azterturik, Udalbatzak, aho batez, EUDELEK aurkezturiko, martxoaren 8a, emakumearen nazioarteko eguna dela eta erakunde adierazpena onesten du

Beste gairik ez dagoenez, arratsaldeko 17:20 orduak direnean Alkate andreak bilera amaitutzat ematen du, nik, behin-behineko Idazkaria naizen honek akta honetan jasotakoa ziurtatzen dudalarik.